



## **PLAN ECONÓMICO FINANCIERO (PEF) 2020-2021**

### **I.INTRODUCCIÓN**

A elaboración, aprobación e execución dos Orzamentos e demais actuacións que afecten ós gastos ou ingresos das entidades locais se someterán ós principios de estabilidade orzamentaria e sostibilidade financeira, coherente ca normativa europea e de conformidade co establecido nos artigos 3, 4, 11, 12 e 13 da Lei Orgánica 2/2012, de 27 de abril, de Estabilidade Orzamentaria e Sostibilidade Financeira (LOE).

Enténdese por Estabilidade Orzamentaria das Administracións Públicas a situación de equilibrio ou superávit estrutural. De acordo co artigo 11.3 e 11.4 da LOE, as corporacións locais non poderán presentar déficit estrutural, definido como déficit axustado ao ciclo, neto de medidas excepcionais e temporais.

Igualmente, deberáse cumprir co principio de Sostibilidade Financeira, entendido como a capacidade para financiar compromisos de gasto presentes e futuros dentro dos límites de déficit, débeda pública e morosidade da débeda comercial de acordo co establecido nesta Lei, a normativa sobre morosidade e na normativa europea.

Finalmente, avaliaráse o cumprimento da Regra de Gasto, aos efectos de que a variación do gasto computable non supere a taxa de referencia do crecemento do produto interior bruto, aprobada polo Consello de Ministros de 4 de xullo de 2017. (2,70% para 2019). O Consello de Ministros aproba o 11 de febreiro de 2020 aproba a taxa de 2,90 % para 2020 e 3,0 % para 2021.

Mediante Decreto da Alcaldía de 27 de febreiro de 2020 aprobase a liquidación do orzamento de 2019, onde ponse de manifesto o incumprimento da regra de gasto.

En consecuencia, é necesario a formulación dun Plan Económico-Financeiro (PEF) que permita, no ano en curso e o seguinte o cumprimento da regra de gasto (2020-2021), co contido e na forma que establecen os artigos 21 e 23 da LOE.

### **II.CONTIDO E TRAMITACIÓN DO PEF**

De conformidade co artigo 21 da LOE, o PEF conterá como mínimo a seguinte información:

- a) As causas do incumprimento do obxectivo establecido ou, no seu caso, do incumprimento da regra de gasto.
- b) As previsións tendenciais de ingresos e gastos, baixo o suposto de que non se producen cambios nas políticas fiscais e de gastos.
- c) A descrición, cuantificación e o calendario de aplicación das medidas reflectidas no plan, sinalando as partidas orzamentarias ou rexistros extraorzamentarios en que se contabilizarán.





- d) As previsións das variables económicas e orzamentarias das que parte o plan, así como os supostos sobre os que se basean estas previsións, de acordo co previsto no informe a que se fai referencia no apartado 5 do artigo 15.
- e) Un análisis de sensibilidade considerando escenarios económicos alternativos.

O artigo 116. bis da lei 7/85, de 2 de abril, Reguladora das Bases de Réxime Local, no apartado segundo, dispón que adicionalmente ó previsto no artigo 21 da LOE, o mencionado plan incluírá a lo menos as seguintes medidas:


- a) Supresión das competencias que exerza a Entidade Local que sexan distintas das propias e das exercidas por delegación.
- b) Xestión integrada ou coordinada dos servizos obrigatorios que presta a Entidade Local para reducir os seus costes.
- c) Incremento de ingresos para financiar os servizos obrigatorios que presta a Entidade Local.
- d) Racionalización organizativa.
- e) Supresión de entidades de ámbito territorial inferior ó municipio que, no exercicio orzamentario inmediato anterior, incumpran co obxectivo de estabilidade orzamentaria ou co obxectivo de débeda pública ou que o período medio de pago a provedores supere en máis de trinta días o prazo máximo previsto na normativa de morosidade.
- f) Unha proposta de fusión co municipio colindante da mesma provincia.

O PEF será presentado, no prazo máximo de un mes dende que se constate o incumprimento, ante o Pleno da Corporación, que deberá aprobalo no prazo máximo de dous meses dende a presentación. A posta en marcha do plan non poderá exceder de 3 meses dende a constatación do incumprimento.

Dende a declaración de pandemia do Covid-19 pola OMS, e a declaración do Estado de Alarma polo Goberno de España, en xeral os procedementos administrativos están en suspensión ou interrupción de prazos, ampliándose os mesmos nun período equivalente a duración efectiva do estado de alarma.

Ademais, se remitirá para o seu coñecemento á Comisión Nacional de Administración Local, e se lle dará a mesma publicidade que a establecida polas leis para os Orzamentos da entidade.

Finalmente, o Ministerio de Facenda dará publicidade dós plans económicos e financeiros, e a adopción efectiva das medidas aprobadas cun seguimento do impacto efectivamente observado das mesmas.





### III. DIAGNOSTICO ACTUAL

A liquidación do orzamento 2019 presenta as seguintes magnitudes:

RESULTADO ORZAMENTARIO DO EXERCICIO: -172.456,74  
RESULTADO ORZAMENTARIO AXUSTADO: 387.743,29  
REMANENTE LIQUIDO DE TESOURERIA PARA GASTOS XERAIS: 139.619,69  
SALDO DA CONTA 4130: 132.385,50  
SALDO DA CONTA 4180: 2.673,46

A avaliación das regras fiscais do exercicio 2019 presenta os seguintes datos:

Estabilidade orzamentaria:

Dereitos recoñecidos, capítulos I a VII, orzamento corrente: 14.145.292,33  
Obrigas recoñecidas, capítulos I a VII, orzamento corrente: 13.962.119,60  
Deferencia dereitos e obrigas: 183.172,73  
Axustes en termos SEC: 466.005,48  
Capacidade de Financiamento: 649.178,21

Regra de gasto:

Gasto computable do exercicio: 11.345.299,73  
Gasto máximo admisible regra de gasto: 10.667.964,80  
Deferencia entre límite e gasto computable: -677.334,93

Débeda pública:

Débeda viva a 31-12-2019: 10.054.672,46  
Débeda viva en termos PDE: 10.174.293,65  
Ingresos correntes axustados: 13.063.740,74  
Porcentaxe débeda viva: 73,88%  
Porcentaxe débeda viva PDE: 74,76%

Período medio de pago:

PMP do cuarto trimestre de 2019: 3,88 días, (RD 635/2014)  
PMP do primeiro trimestre de 2020: 13,93 días, (RD 635/2014)

Do exposto dedúcese o cumprimento do obxectivo de estabilidade orzamentaria cunha capacidade de financiamento de 649.178,21; o cumprimento do límite de débeda pública ca porcentaxe de 74,76%; o cumprimento co período medio de pago segundo a metodoloxía do RD 635/2014; e o **incumprimento da regra de gasto**, cunha diferenza entre o límite da regra de gasto e o gasto computable ao peche do exercicio de 677.334,93 €, o que supón unha variación do gasto computable de 6,35%.

### IV. CAUSAS DO INCUMPRIMENTO

A causa do incumprimento da regra de gasto ven derivada do seguinte:





1º.- Baixo nivel de execución en exercicios anteriores (2016-2018), o que diminúe o límite da regra de gasto para o 2019:

Regra de gasto 2015:

Gasto computable do exercicio: 11.443.470,35

Gasto máximo admisible regra de gasto: 10.555.759,84

Diferencia entre límite e gasto computable: -887.710,51

Regra de gasto 2016:

Gasto computable do exercicio: 11.205.039,90

Gasto máximo admisible regra de gasto: 11.657.867,85

Diferencia entre límite e gasto computable: +452.827,95

Regra de gasto 2017:

Gasto computable do exercicio: 10.387.500,59

Gasto máximo admisible regra de gasto: 11.438.642,19

Diferencia entre límite e gasto computable: +1.051.141,60

Regra de gasto 2018:

Gasto computable do exercicio: 10.397.502,24

Gasto máximo admisible regra de gasto: 10.636.800,60

Diferencia entre límite e gasto computable: +239.298,36

2º.- Gastos financiados por transferencias de crédito con cargo ao Fondo de Continxencia:

Emerxencia por inundacións: 69.413,51 €.

Fallos xudiciais divingados en 2019: 157.003,27 €.

3º.- Por incorporación de remanentes de crédito de 2018 a 2019 financiados con Remanente líquido de tesourería para gastos xerais, executados en 2019 polo importe de 273.749,67 €.

A causa do incumprimento esta polo tanto, no baixo nivel de execución computable na regra de gastos en exercicios anteriores (2016-2018), o que diminúe o límite da regra de gasto para o 2019; na execución en 2019 de gastos non discrecionais financiados con transferencia do fondo de continxencia, para a emerxencia por inundacións e para o fallo de sentenzas xudiciais basicamente en materia de persoal; e por último, teñen incidencia a execución de expedientes de incorporación de remanentes a 2019 financiados con remanente líquido de tesourería para gastos xerais.

## **V. MEDIDAS A ADOPTAR PARA CORREXIR A SITUACIÓN**

1.- Dado que as causas do incumprimento é coxuntural e non estrutural as medidas, a adoptar para acadar o cumprimento da regra de gasto, consisten en non utilizar o remanente de tesourería para gastos xerais como fonte de financiamento agás amortización anticipada, evitando diferir gastos dun exercicio a outro, e a aprobación do Orzamento xeral 2020 con previsión de cumprimento de regras fiscais.





## **VI. PREVISIÓNS TEMPORAIS**

As hipóteses para á estimación das liquidacións dos exercicios 2020 e 2021, datos introducidos na páxina do Ministerio de Facenda do presente plan, son os seguintes:

Para o exercicio 2020, as estimacións a 31 de decembro de 2020 previstas no informe de execución trimestral do primeiro trimestre, e como axuste previsible no cálculo da regra de gasto relativo a gastos financiados por outras Administracións Públicas, aplicando o criterio de prudencia, polo importe de 2 millóns, inferior o da liquidación de 2019.

Para o exercicio 2021, as estimacións de previsións iniciais no Marco presupostario a medio prazo, anos 2021-2023, con iguais axustes no cálculo da regra de gasto que no ano 2020.

Cos datos anteriores, cumprimentáronse os formularios habilitados na plataforma da Oficina Virtual das Entidades Locais do Ministerio de Facenda e Administracións Públicas para a elaboración e remisión dos Plans Económicos Financeiros (PEF), e pasaron as validacións previas ao proceso de firma dixital. Acompañase a dita información.

## **VII. CONCLUSIÓNS**

Tendo en conta o sinalado anteriormente pódese concluír que o incumprimento da regra de gasto en 2019 é de carácter coxuntural e non de carácter estrutural e quedará solventado no ano 2020-2021, cun orzamento xeral 2020 que prevé cumprir ca regra de gasto e as demais regras fiscais.

Viveiro, asinado dixitalmente ao marxe  
A Alcaldesa

María Loureiro García

